

Na osnovu članka 16. stavak 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23) i članka 52. Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21), na prijedlog Kantonalne direkcije robnih rezervi, Vlada Zeničko-dobojskog kantona, na 22. sjednici, održanoj dana 02.06.2023. godine, d o n o s i

ZAKLJUČAK

I.

Prima se na znanje Informacija sa inicijativom za osiguranje skladišnog prostora za potrebe Kantonalne direkcije robnih rezervi i Kantonalne uprave civilne zaštite, a koje koriste i drugi organi uprave Zeničko-dobojskog kantona, a koja čini sastavni dio ovog zaključka.

II.

Zadužuju se Kantonalna direkcija robnih rezervi i Kantonalna uprava civilne zaštite da u roku od 45 dana od dana stupanja na snagu ovog zaključka i u okviru odobrenih Proračunskih sredstava predviđenih za ove namjene u 2023. godini, pokrenu sve zakonom propisane procedure s ciljem osiguranja adekvatnog skladišnog prostora za svoje potrebe i potrebe drugih organa uprave Zeničko-dobojskog kantona, na užem području grada Zenice, na period od 4 (četiri) godine.

III.

Zadužuju se Ministarstvo zdravstva, Ministarstvo za rad, socijalnu politiku i izbjeglice, Služba za zajedničke poslove i Kantonalna uprava za inspekcijske poslove, da razmotre mogućnosti postupanja s robom i opremom koja je u neispravnom stanju i neopravdano zauzima skladišni prostor.

IV.

Zaključak stupa na snagu danom donošenja.

PREMIJER

Amra Mehmedić

Broj: 02-_____/23

Datum, 02.06.2023. godine

Z e n i c a

DOSTAVLJENO:

1x Kantonalna direkcija robnih rezervi

1x Kantonalna uprava civilne zaštite

1x Ministarstvo zdravstva,

1x Ministarstvo za rad, socijalnu politiku i izbjeglice,

1x Služba za zajedničke poslove,

1x Kantonalna uprava za inspekcijske poslove,

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNA DIREKCIJA
ROBNIH REZERV**

PRIJEDLOG

**INFORMACIJA SA INICIJATIVOM ZA OSIGURANJE
ADEKVATNOG SKLADIŠNOG PROSTORA**

Zenica, 29.05.2023. godine

Temeljem Zaključka Vlade Zeničko-dobojskog kantona broj: 02-11-5880/23. od 11.04.2023. godine, kojim je usvojen Program utroška sredstava za osiguranje skladišnog prostora za skladištenje roba robnih rezervi i Odluke o davanju suglasnosti za potpisivanje Ugovora o zakupu tipske jednobrodne hale broj 3., broj: 02-11-8279/23. od 19.05.2023. godine, isti je i potpisan s dosadašnjim zajmodavcem Željezara „ZENICA“ d.o.o. „u stečaju“.

Treba naglasiti da se cijena zakupa nije mijenjala, ali je na traženje zajmodavca, za razliku od dosadašnjih ugovora, vrijeme trajanja potpisanog ugovora umjesto četiri smanjeno na samo godinu dana, s tim da se isti može raskinuti i prije važnosti ugovorenog roka, uz pismenu najavu jedne od ugovorenih strana, najmanje 30 dana ranije. Imajući u vidu da su susjedne hale na ovoj lokaciji već prodane, ovo jasno ukazuje na namjeru zajmodavca da će u narednom periodu prodati predmetnu halu. Cijeneći činjenicu da ovaj prostor, temeljem potpisanog protokola, zajednički koristimo s Kantonalnom upravom civilne zaštite, ali da i druge uprave i ministarstva Zeničko-dobojskog kantona imaju robu, sredstva i opremu, uskladištenu u istom, pokrenuli smo inicijativu za održavanje sastanka sa zajmodavcem kako bi dobili jasne i precizne podatke o tome kada će predmetna hala ići na licitaciju i da li je određena cijena iste, kako bi mogli pripremiti informaciju prema Vladi s prijedlogom zaključka o daljnjem postupanju, no zajmodavac se ogлуšio na naše pozive.

U vezi s iznesenim, a da ne bi ostali svi zatečeni u trenutku prodaje predmetne hale i s pitanjem kud, kako i šta sa uskladištenom robom, sredstvima i opremom, jasno treba odrediti daljnje postupanje u cilju rješavanja ovog problema, ako ne trajno (kupovinom), onda traženjem novog zajmodavca, s kojim bi se potpisao ugovor o najmu na period od četiri godine, a postojeći ugovor, uz najavu zajmodavcu, raskinuo. U određenom razumnom roku od 90 dana, svim korisnicima predmetnog skladišta, trebalo bi naložiti žurno postupanje, s robom, sredstvima i opremom, kojoj je istekao rok, koja godinama stoji u skladištu a više nije za upotrebu i sl.. Ovo se naročito odnosi na rješavanja nagomilanih problema s uskladištenim privremeno oduzetim predmetima prekršaja od strane nadležnih inspektora Kantonalne uprave za inspeksijske poslove. Pojedini oduzeti predmeti prekršaja, iako imaju pravomoćna rješenja o uništenju, nisu uništeni, mnogima je istekao rok upotrebe i trebaju biti uništena, ali za ista nisu donesena rješenja o uništenju i sl.. U cilju otklanjanja nedostataka koji su, po našem mišljenju, prouzročeni jasno nedefiniranim pojedinim odredbama Uredbe o postupku čuvanja, smještaja i načinu postupanja s privremeno oduzetim predmetom prekršaja („Sl. novine Ze-do kantona“, br. 5/15), a na tragu usuglašavanja iste s Pravilnikom o postupku čuvanja, smještaja, načinu prodaje ili uništavanja privremeno oduzetih predmeta prekršaja u inspeksijskom nadzoru („Sl. novine F BiH“, br. 16/22), Kantonalnoj upravi za inspeksijske poslove, uputili smo inicijativu za održavanje radnih sastanaka s Prijedlogom Uredbe o izmjenama i dopunama Uredbe o postupku čuvanja, smještaja i načinu postupanja s privremeno oduzetim predmetom prekršaja broj: 17-16-6439/23. od 19.04.2023. godine, koju dostavljamo u prilogu ove informacije. U isto vrijeme u prilogu dostavljamo i Spisak privremeno oduzetih predmeta prekršaja koji se nalaze u skladištu Kantonalne direkcije robnih rezervi Zeničko-dobojskog kantona na dan 25.05.2023. godine, iz kojih se može iščitati i koliko dugo ti predmeti stoje u „našem“ skladištu. Ovdje ne treba zaboraviti i neispravna vozila i oprema koja su u nadležnosti Službe zajedničkih poslova, medicinska sredstva i opremu Ministarstva zdravstva, neispravne TV aparate, računare i skenere Ministarstva za rad, socijalnu skrb i izbjeglice i dr.

U dobroj vjeri da će Vlada Zeničko-dobojskog kantona razumjeti naša nastojanja da pokušamo riješiti nastale probleme vezane za najam skladišnog prostora i postupanja s uskladištenom robom koju više nema nikakvog smisla držati u skladištu, odnosno seliti u eventualno iznajmljen novi prostor, dostavljamo prijedlog zaključka na razmatranje.

Broj: 17-25-4646-2/23.
Zenica, 29.05.2023. godine

D I R E K T O R

mr. Zoran Martinović, dipl.ing.